



1157

KJKP "PARK" d.o.o. Sarajevo  
Patriotske lige br. 58,  
71 000 Sarajevo  
Bosna i Hercegovina  
ID broj: 4200258320003  
PDV broj: 200258320003

Broj: P-45-1780-1  
Datum: 30.03.2026.

Bosna i Hercegovina  
Federacija Bosne i Hercegovine  
Kanton Sarajevo  
Ministarstvo komunalne privrede, infrastrukture,  
prostornog uređenja, građenja i zaštite okoliša KS  
Ul. Reisa Džemaludina Čauševića 1  
71 000 Sarajevo

Predmet: Informacije u vezi zastupničke inicijative dostavljenu aktom br. 01-04-644/26

Poštovani,

Skupština Kantona Sarajevo dostavila nam je inicijativu br. 01-04-7593/26 skupštinske zastupnice Sebiže Izetbegović, a koja se odnosi na obezbjeđivanje sredstava za rekonstrukciju i uređenje Pionirske doline i zoo vrt, koja djeluje u sastavu ovog preduzeća. U skladu s tim dostavljamo informacije koje čine presjek trenutnog stanje ovog izuzetno značajnog resursa u vlasništvu KS, kao i potrebnu podršku od strane našeg osnivača u daljem radu.

Zahvaljujemo na podnesenoj inicijativi, a cijenimo svaki doprinos i podršku našem nastojanju u očuvanju i razvoju ovog izuzetno dragocjenog prirodnog resursa. Pionirska dolina više od 70 godina predstavlja jedno od najvažnijih mjesta rekreacije, edukacije i boravka u prirodi za građane Kantona Sarajevo.

Smatramo važnim naglasiti da od ratnih razaranja, već 30 godina do danas ovom značajnom segmentu u vlasništvu Kantona Sarajevo nije se pristupilo na sistemski, cjelovit i dugoročno održiv način. Rekonstrukcija i obnova su se uglavnom realizirale sporadično, parcijalno i bez kontinuiteta institucionalne podrške. Proces osposobljavanja i obnove Pionirske doline, posebno nakon perioda 1992/1995. godine, bio je u najvećoj mjeri rezultat posvećenosti i predanog rada KJKP „Park“ d.o.o. Sarajevo, uz podršku pojedinaca entuzijasta i iskrenih ljubitelja prirode i urbanih zelenih oaza.

Ipak, u protekle četiri godine preduzeće Park je, uglavnom u okviru vlastitih kapaciteta i raspoloživih resursa, značajno promijenilo pristup upravljanju i razvoju ovog prostora, što se ogleda kroz realizaciju niza konkretnih i mjerljivih projekata:

- Obnovljen je i izgrađen objekat Zimovnika, koji je više od 25 godina bio devastirana ratna ruševina, čime su značajno unaprijeđeni uslovi za rad uposlenika, ali i smještaj i zaštitu životinja. To je prvi objekat "čvrstog karaktera" izgrađen nakon gotovo 15 godina u Pionirskoj dolini. Ostali objekti nakon izgradnje

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d. 3386902212020028;  
Turkish Ziraat bank Bosnia d.d. Sarajevo  
1860001022085047

se redovno održavaju, ali svakako itekako bi dobro došla njihova potpuna rekonstrukcija. Objekat Terarija obnovljen je nakon decembarskih oštećenja i ponovo otvoren za posjetioce.

- Izgrađen je i koncem 2024. godine otvoren u Pionirskoj dolini prvi Centar za edukaciju, ove vrste, u Kantonu Sarajevo, koji predstavlja jedinstven prostor za učenje i razvoj ekološke svijesti kod djece i mladih. Samo u protekloj godini edukativne programe Centra pohađalo je više od 870 učenika iz 10 povratničkih lokalnih zajednica širom Bosne i Hercegovine (Bratunac, Srebrenica, Drvar, Vitez, Stolac, Mostar, Rogatica, Vlasenica, Goražde, Ustikolina);

- Razvijen je i finaliziran obrazovni projekat „Zoo škola“, koji je kandidiran na više relevantnih adresa, ali zbog izostanka potrebne institucionalne podrške još uvijek, na našu žalost, nije implementiran za učenike i mlade u Kantonu Sarajevo;

- Pristup obnovi infrastrukture podignut je na znatno viši, profesionalniji nivo, te je izrađen milionski projekat izgradnje i rekonstrukcije pješačkih staza i platoa u smislu kompletne putne infrastrukture Pionirske doline. Njegova realizacija je započeta od sredstava preduzeća Park kao krajnja mjera, pri čemu je prva od ukupno osam planiranih faza već završena. Nastavak radova će zavisiti od raspoloživih finansijskih sredstava. Ovom prilikom tražimo i podršku Skupštine KS i Kantona Sarajevo kao našeg osnivača.

- Zahvaljujući inicijativama i angažmanu preduzeća Park, Pionirska dolina je po prvi put uvrštena, prije dvije godine, u Strategiju razvoja Kantona Sarajevo, čime je i načelno prepoznata njena dugoročna važnost.

- Kontinuirano se razvija segment organizacije porodičnih i edukativno- zabavnih manifestacija, koje okupljaju veliki broj posjetilaca, a jedna od njih je uvrštena i u zvanični program obilježavanja Dana Kantona Sarajevo.

- Realizirani su brojni projekti u saradnji sa federalnim institucijama, čime je dodatno ojačana međuinstitucionalna saradnja i podrška razvoju ovog prostora. To je ipak značajan iskorak u djelovanju jednog kantonalnog komunalnog preduzeća. Cijene ulaznica za posjetioce su minimalne i ne omogućavaju servisiranje ni osnovnih potreba i troškova rada.

- Čišćenje i održavanje Koševskog potoka, bez obzira na naše višekruko insistiranje i iskazanu spremnost da uz finansijsku podršku urade te naše ekipe nije nam omogućeno da uradim, jer korito Koševskog potoka nije u našoj nadležnosti, nego u nadležnosti lokalnog i gradskog nivoa vlasti. Koševski potok pritoka je Miljacke i ubraja se u sliv rijeke Save. Za njega su nadležni Općina i Grad Sarajevo, čak i u toku kroz Pionirsku dolinu. Naša dosadašnja insistiranja i ukazivanje na štete koje se nanose ili su moguće po imovinu KS, do sada nisu dobile pozitivnu podršku.

Koristeći zastupničku inicijativu, ovom prilikom posebno želimo naglasiti potrebu za snažnijom i kontinuiranom institucionalnom podrškom u segmentu obnove i unapređenja zoološkog fonda, odnosno nabavke i obnavljanja osnovnih životinjskih vrsta i izgradnje novih objekata. Zoološki vrtovi imaju ne samo rekreativnu, nego i izuzetno važnu edukativnu, naučnu i zaštitnu ulogu, te njihovo postojanje i

razvoj moraju biti strateški podržani na svim nivoima vlasti, posebno od strane njenog vlasnika i osnivača. U tom smislu, koristimo ovu priliku i da pozovemo zastupnike Skupštine Kantona Sarajevo da posjete Pionirsku dolinu i zoološki vrt, kako bi se na licu mjesta upoznali sa stvarnim stanjem, realiziranim projektima i planovima za budući razvoj. Preduzeće Park izražava punu otvorenost i spremnost da svakom zastupniku Skupštine KS prezentira sve inicijative i projekte koji su već pripremljeni i koji čekaju na realizaciju. Svaka posjeta predstavnika Osnivača od velikog je značajna za ovaj posebni segment Kantona Sarajevo, jer izostankom tih posjeta percepcija o njegovom stanju često je formira na osnovu nepotpunih ili netačnih informacija plasiranih putem društvenih mreža. Uvidom u realnom stanje i naše potrebe mijenja se i institucionalna perspektiva.

Iz tih razloga više puta svim klubovima zastupnika smo i dostavljali naše pozive na određene događaje koje organiziramo.

Uvjereni da samo zajedničkim, odgovornim i sistemskim pristupom možemo osigurati da Pionirska dolina dobije status i kvalitet koji treba, a građani i posjetioci prostor kakav zaslužuju, posebno buduće generacije, zahvaljujemo na inicijativi i stojimo na raspolaganju.

S poštovanjem,  
Uz izraze posebnog uvažavanja,

Akt sačinila: Aldijana Hamza

DIREKTOR KJKP "Park" d.o.o. Sarajevo



Dostavljeno:

- Naslovu
- Skupštini Kantona Sarajevo
- Stručnom saradniku za informisanje
- a/a